

վերահսկման ոլորտում հնարավոր խախտումները կանխելու և հանրային շահերի պաշտպանությունն ապահովելու նպատակով իրականացնում է կանխարգելիչ գործունեություն: Նշված հրամանում հղում չի կատարվում «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքին: Վերոգրյալի հաշվառմամբ տեղեկացնում ենք, որ ՀՀ ԱՆ առողջապահական տեսչական մարմնի ղեկավարի 2018 թվականի մարտի 13-ի № 51-Ա հրամանում նշված աշխատանքային խումբը «Խաչունց գրուպ» ՍՊԸ-ին պատկանող ք. Երևան Մաշտոցի պողոտա թիվ 20 շենք հասցեում գործող «Կանաչ դեղատուն» դեղատնային կրպակում իրականացրել է բացառապես իրազեկման աշխատանքներ (կից ներկայացվում է 2018 թվականի մարտի 14-ի իրազեկման թերթիկը):

Միաժամանակ, տվյալ գործընթացում իրականացված գործողությունները՝ դեղեր պահանջելը, որպես հսկիչ գնում որակելը միանշանակ չէ, քանի որ նշված գործընթացը կարգավորվում է «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքով, որով Տեսչական մարմնին նման գործընթաց իրականացնելու որևէ լիազորություն վերապահված չէ: Դեղատնային կրպակ այցելության շրջանակներում դեղեր պահանջելը «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի իմաստով չի կարող դիտարկվել որպես հսկիչ գնում, հաշվի առնելով, որ նույն օրենքի № 2.1 հավելվածի 1.1-րդ կետով սահմանվում է հսկիչ գնումներ իրականացնող հատուկ սուբյեկտ, այն է՝ Հայաստանի Հանրապետության տնտեսական մրցակցության պաշտպանության պետական հանձնաժողովը, իսկ հավելվածի 1.3-րդ կետով հստակ սահմանվում են հսկիչ գնումներ իրականացնելու հիմքերը:

Հաշվի առնելով վերոգրյալը առաջարկվում է քննարկել Արձանագրության 7-րդ բաժնի 2-րդ կետը խմբագրելու նպատակահարմարության հարցը:

6. Արձանագրության 8-րդ բաժնի վերաբերյալ տեղեկացնում ենք հետևյալը.

ա) 1-ին կետի վերաբերյալ հայտնում ենք, որ «Կառավարչական իրավահարաբերությունների կարգավորման մասին» ՀՀ օրենքի 7-րդ հոդվածի 4-րդ մասի համաձայն՝ «Կառուցվածքային ստորաբաժանումների իրավասությունները սահմանում է մարմնի ղեկավարը՝ հաստատելով դրանց կանոնադրությունները, եթե

օրենքով այլ բան նախատեսված չէ:» ՀՀ կառավարության 2018 թվականի հունիսի 11-ի թիվ 755-Լ որոշման հավելվածով սահմանված Տեսչական մարմնի կանոնադրության (այսուհետ՝ Կանոնադրություն) 29-րդ կետի համաձայն՝ «տեսչական մարմնի կառուցվածքային ստորաբաժանումների իրավասությունները սահմանում է տեսչական մարմնի ղեկավարը՝ հաստատելով դրանց կանոնադրությունները:» Կառուցվածքային ստորաբաժանումների կանոնադրությունների հաստատման հստակ ժամկետ «Կառավարչական իրավահարաբերությունների կարգավորման մասին» ՀՀ օրենքով, Կանոնադրությամբ կամ որևէ այլ իրավական ակտով սահմանված չէ: Ուստի Տեսչական մարմնի կողմից Կանոնադրության համապատասխան դրույթը չի խախտվել, այլ Տեսչական մարմնի կառուցվածքային ստորաբաժանումների կանոնադրությունները դեռևս չեն հաստատվել:

Միաժամանակ տեղեկացնում ենք, որ Տեսչական մարմնի կառուցվածքային ստորաբաժանումների կանոնադրությունների օրինակելի ձևը մշակվել և 2018 թվականի նոյեմբերի 27-ին թիվ 01/3020-18 գրությամբ (կցվում է) ներկայացվել է ՀՀ վարչապետի աշխատակազմ, որին ի պատասխան ՀՀ վարչապետի 2018 թվականի դեկտեմբերի 6-ի թիվ 02/42.2/41733-18 հանձնարարականով (կցվում է) համաձայնություն է տրվել ներկայացված նախագծին: Ներկայումս կառուցվածքային ստորաբաժանումների կանոնադրությունները գտնվում են մշակման փուլում:

Հաշվի առնելով վերոգրյալը առաջարկվում է քննարկել Արձանագրության մեջ 8-րդ բաժնի 1-ին կետը չներառելու հարցը:

բ) 2-րդ կետի վերաբերյալ հայտնում ենք, որ Կանոնադրության 19-րդ կետի 1-ին ենթակետի համաձայն՝ «Տեսչական մարմնի ղեկավարը ղեկավարում, համակարգում և վերահսկում է տեսչական մարմնի ընթացիկ գործունեությունը, պատասխանատու է տեսչական մարմնի առջև դրված խնդիրների ու գործառույթների իրականացման համար», նույն կետի 7-րդ ենթակետի համաձայն՝ «Տեսչական մարմնի ղեկավարը իր իրավասության սահմաններում արձակում է հրամաններ, կարգադրագրեր և տալիս հանձնարարագրեր, ցուցումներ, առանց լիազորագրի հանդես է գալիս Հայաստանի Հանրապետության անունից, ինչպես նաև տալիս է Հայաստանի Հանրապետության

անունից հանդես գալու լիազորագրեր, այդ թվում՝ վերալիազորման իրավունքով լիազորագրեր:»:

Նշված դրույթների համադրությունից բխում է, որ Տեսչական մարմնի ընթացիկ գործունեությունը ղեկավարում, այդ թվում՝ աշխատակիցներին գործուղելու վերաբերյալ հրամաններ է ընդունում Տեսչական մարմնի ղեկավարը՝ յուրաքանչյուր դեպքում հաշվի առնելով գործերի առանձնահատկությունները, աշխատողների որակավորումը և մի շարք այլ էական հանգամանքներ: Որևէ իրավական ակտով նախատեսված չէ դրույթ այն մասին, որ ՀՀ մարզերում խորհրդատվության և իրազեկման գործառույթները ենթակա են կատարման բացառապես տարածքային ստորաբաժանումների աշխատակիցների կողմից:

Հաշվի առնելով վերոգրյալը առաջարկվում է քննարկել Արձանագրության 8-րդ բաժնում 2-րդ կետը չընդգրկելու նպատակահարմարության հարցը:

7. Արձանագրության 9-րդ բաժնի վերաբերյալ տեղեկացնում ենք հետևյալը.

ՀՀ ԱՆ առողջապահական տեսչական մարմնի ղեկավարի 2018 թվականի փետրվարի 8-ի № 20-Ա հրամանով ստեղծվել է աշխատանքային խումբ՝ «Մասիսի բժշկական կենտրոն» ՓԲԸ-ում բժշկական սպասարկման և բնակչության սանիտարահամաճարակային անվտանգության ապահովման ոլորտներում հնարավոր խախտումները կանխելու և հանրային շահերի պաշտպանությունն ապահովելու նպատակով ուսումնասիրություն իրականացնելու համար:

Տեղեկացնում ենք, որ հրամանի նախաբանում հղում է կատարվում «Տեսչական մարմինների մասին» ՀՀ օրենքի համապատասխան հոդվածներին, որոնց համաձայն՝ տեսչական մարմինը իրականացնում է համապատասխան ոլորտներում ՀՀ օրենքների և դրանց համապատասխան ընդունված իրավական ակտերի դրույթների կիրառման վերաբերյալ բացատրական աշխատանքներ, տեղեկացնում է տնտեսավարող սուբյեկտներին իրենց իրավունքների և պարտականությունների մասին, իր վերահսկման ոլորտում հնարավոր խախտումները կանխելու և հանրային շահերի պաշտպանությունն ապահովելու նպատակով իրականացնում է կանխարգելիչ գործունեություն: Նշված հրամանում հղում չի կատարվում «Հայաստանի